



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

96. De eadem re.

**urn:nbn:de:hbz:466:1-14622**

tribu Levi quisquam ad Dei ministerium fuerat præceptus admitti:

De eadem re. *Capit. xcii.*

XCIV. Statutum est ab Episcopis de Presbyteris, ut qui feminas secum indiscretè habitare permittunt, & propter hoc malæ opinionis suspitione denotantur, si deinceps admoniti non se correxerint, velut contemptores sacrorum canonum, canonica invectione feriantur.

Lib. 1. Capitular. c. 98.  
Burchard. lib. 2. c. 111.

*Rectè hoc capitulum laudat Regino, si ratio habeatur veterum codicum. Etenim caput istud, quod in editionibus est xcviij. libri primi, xcii. est in codicibus Colbertino & Rivipullensi, ubi in libro primo desunt sex capita quæ extant in editionibus. In veteri codice MS. Bibliotheca regia, ex quo prodit prima editio Parisiensis, est numero xci.*

De eadem re. *Ex Concilio Vvormaciensi cap. xxxviii.*

XCV. Placuit ut Episcopi, Presbyteri, Diaconi, Subdiaconi abstineant à conjugibus, ut non generent filios. Quòd si hoc decretum violaverint, ab honore clericatus pellantur.

Concil. Vvorē mac. c. 9.

De eadem re. *Ex decretis Papa Leonis.*

XCVI. Lex continentia eadem est altaris ministris quæ Episcopis atque Presbyteris; qui cum essent laici sive lectores, licitè & uxores ducere & filios procreare potuerunt; sed cum ad prædictos pervenerunt gradus, cœpit eis non licere quod licuit. Unde ut de carnali

Decreta Leonis 1. c. 17.  
Burchard. 1 b. 2. c. 114.



fiat spiritale conjugium, oportet eos nec dimittere uxores, & quasi non habeant sic habere, quò & salva sit caritas connubiorum & cesser operatio nuptiarum.

De eadem re. *Ex dictis sancti Gregorij  
Pape.*

XCVII. Qui corpus suum castitati dedicant, habitare secum feminas non permittant.

*Item sancti Augustini.*

XCVIII. Ideo nolo ut foror mea mecum sit, quia quæ cum sorore mea sunt, sorores meæ non sunt.

De eadem re. *Ex Concilio Vvormaciensi  
cap. IX.*

Concil. Vvormac. c. 11.

XCIX. Sacerdotes igitur si in fornicationis laqueum ceciderint, & crimen manifestissimè ostensum fuerit, hæcenus sacerdotij non possunt habere honorem, secundùm canonicæ institutionis auctoritatem.

Quæ mulieres in domibus habitent Clericorum. *Ex Concilio Agathensi.*

Conc. Agath. c. 10.  
Burchard. lib. 2. c. 112.

C. Id etiam ad custodiendam vitam & famam speciali ordinatione præcipimus, ut nullus Clericorum extraneæ sit mulieri qualibet consolatione aut familiaritate conjunctus. Et non solùm in domo illius extranea mulier non accedat, sed nec ipse frequentandi ad extraneam mulierem habeat potestatem; sed cum matre tantum & sorore, filia & nepte, si habuerit, vivendi liberam habeat potestatem;